

Masjid Quba'

Seni Bina Islam adalah bidang seni reka bentuk dan reka letak bangunan berunsurkan Islam yang dibina oleh manusia dengan mempunyai ciri-ciri tertentu.

Seni bina Islam bermula dengan pembinaan Masjid Quba' pada zaman Nabi Muhammad SAW. Ketika Nabi dan para sahabat berhijrah sebelum tiba ke Madinah mereka telah singgah di sebuah perkampungan yang bernama Quba' maka di situlah terbinanya Masjid Quba' iaitu masjid pertama yang dibina di dalam sejarah Islam. Pada masa itu, masjid ini dibina dengan menggunakan batang pokok dan daun-daun tamar.

Seni Bina Terpenting Di Dalam Sejarah Islam



Masjid Al-Haram

Masjid Al-Haram terletak di Mekah, Arab Saudi di mana ia merupakan masjid terpenting dan tersuci bagi umat Islam. Masjid ini menempatkan Kaabah yang menjadi kiblat kepada semua umat Islam seluruh dunia. Ia juga adalah antara lokasi umat Islam mengerjakan ibadat Haji dan Umrah.



Masjid Nabawi


Masjid Nabawi yang terletak di Madinah, Arab Saudi merupakan masjid kedua terpenting dalam Islam. Ia dibina oleh Nabi Muhammad s.a.w bersama masyarakat Islam pada tahun 622 M. Masjid ini menempatkan makam Rasulullah bersama sahabat baginda, Saidina Abu Bakar As-siddiq dan Saidina Umar Al-Khattab. Di dalamnya juga terdapat kawasan yang dinamakan Raudhah yang disebut juga sebagai Taman Syurga di Masjid Nabawi.



Kompleks Kubah As-Sakhrah

Kompleks Kubah Al-Sakhrah adalah bangunan yang menempatkan sebuah batu besar yang dikatakan menjadi tempat Nabi Muhammad berdiri ketika peristiwa Israk Mikraj. Ia merupakan bangunan yang paling bersejarah dalam Islam.


KUIZ

 1. Senaraikan tiga (3) seni bina terpenting di dalam sejarah Islam mengikut turutan.

 2. Apakah perbezaan ketiga-tiga seni bina ini?


KUIZ

 1. Apakah nama perkampungan yang menjadi tempat persinggahan Nabi dan para sahabat?

 2. Pada pendapat anda, apakah bahan lain (selain dari batang pokok dan daun tamar) yang digunakan untuk membina masjid pada masa itu.


Elemen Binaan di dalam Masjid

Menara



Menara adalah salah satu struktur masjid yang menjadi tempat muazzin untuk melaungkan azan. Ia biasanya dibina dalam bentuk tirus dan memuncak tinggi.

Mihrab



Mihrab berbentuk separa bulat yang menjadi penanda arah kiblat dan juga tempat imam mengetuai solat berjemaah.

Elemen Binaan di dalam Masjid

Mimbar





Mimbar adalah platform bertangga yang merupakan tempat khas untuk imam menyampaikan khutbah atau syarahan.

Kubah





Kubah adalah bahagian yang terletak di atas masjid. Ia lazimnya berada di tengah bahagian masjid.

KUIZ

-  1. Apakah struktur seni bina Islam yang berbentuk separa sfera?
-  2. Pada pendapat anda, mengapakah imam perlu berada di tempat yang lebih tinggi untuk menyampaikan khutbah / syarahan?

KUIZ

-  1. Apakah fungsi mihrab?
-  2. Pada pendapat anda, mengapakah menara dibina dalam bentuk tirus dan memuncak tinggi?

Elemen Binaan di dalam Masjid

Tempat wudhu'



Air pancuran - Melambangkan kesucian dan ketenangan.



Kilga – Tapak penapis air yang menakung air yang dingin dan bersih untuk kegunaan seperti bersuci dan minuman.

Muqarnas



Muqarnas adalah elemen dekorasi tiga dimensi pada bahagian dalam kubah bangunan, yang diinspirasi oleh komposisi geometri sarang lebah. Selain elemen dekorasi, muqarnas berfungsi untuk menyerap bunyi bagi mengelakkan gema.

Ciri-ciri Seni Bina Islam

Mementingkan perhiasan yang indah



Mozek Pohon Kehidupan di bahagian dalam Kubah Al-Sakhrah menggambarkan pemandangan syurga seperti yang digambarkan di dalam Al-Quran.



Fungsi ukiran adalah untuk mewujudkan rasa tenang, sebagai pelengkap binaan dan memperlihatkan keunikan seni bina Islam. Perhiasannya juga berunsurkan luahan perasaan yang tenang dan harmonis.

Mewujudkan keunikan reka bentuk





Reka bentuk pintu berbentuk melengkung melambangkan perasaan hormat dan tunduk menjemput masuk ke dalam masjid atau institusi itu.

KUIZ

-  1. Mengapakah seni bina Islam sangat mementingkan perhiasan yang indah?
-  2. Jika anda seorang arkitek, apakah keunikan reka bentuk yang anda ingin hasilkan. Jelaskan mengapa.

KUIZ

-  1. Apakah elemen masjid yang diinspirasi oleh komposisi geometri Sarang Lebah?
-  2. Bandingkan kilga dengan penapis air yang anda gunakan sekarang.

Ciri-ciri Seni Bina Islam

Mengambil kira kesesuaian keadaan dan faktor iklim setempat.



• Iklim

Seni bina di Nusantara mempunyai tingkap yang banyak dan tersusun. Keadaan ini disebabkan oleh iklim Nusantara yang panas dan lembab. Fungsi tingkap yang banyak adalah untuk pengudaraan yang baik.



• Budaya setempat

Terdapat juga seni bina masjid yang dipengaruhi oleh seni bina tempatan. Contohnya kebanyakan masjid di China mengekalkan reka bentuk seni bina tempatan dengan mengambil inspirasi rumah tradisional, kuil dan istana.

Ciri-ciri Seni Bina Islam

Mementingkan pencahayaan dan pengudaraan.



Teknik pencahayaan diseimbangkan supaya keadaan di dalam masjid tidak terlalu terik dan tidak terlalu suram. Sistem pencahayaan dan pengudaraan yang baik dapat memberi keselesaan untuk beribadat.


Binaan yang kukuh, selamat dan tahan lama




Walaupun Taj Mahal berusia lebih dari 300 tahun, bangunan ini masih kukuh dan dikunjungi oleh jutaan pengunjung setiap tahun. Pada tahun 1983, UNESCO telah mengisytiharkan Taj Mahal sebagai Tapak Warisan Dunia yang perlu dilindungi. Bangunan ini dikatakan 'Permata Senibina Islam'.


KUIZ

 1. Mengapakah teknik pencahayaan dan pengudaraan penting dalam seni bina?

 2. Pada pendapat anda, apakah haiwan (pengangkutan) atau alat yang digunakan pada 300 tahun yang lalu untuk membina sebuah bangunan yang kukuh dan tersergam indah seperti Taj Mahal?

KUIZ

 1. Apakah faktor yang menyebabkan seni bina di Nusantara mempunyai tingkap yang banyak dan dibina dengan struktur yang tinggi.

 2. Jika anda diberi peluang untuk mereka bentuk bangunan, apakah elemen yang menjadi sumber inspirasi anda. Jelaskan mengapa.

Ciri-ciri Seni Bina Islam

Terdapat ruang bilik memisahkan lelaki dan wanita serta ruangan khas atau bilik yang mempunyai fungsi tersendiri.



Mashrabiyya – Kekisi kayu yang digunakan sebagai pemisah ruang lelaki dan wanita. Selain itu, ia juga berfungsi sebagai tirai yang mengalirkan udara yang dingin.

Menggunakan motif kesenian Islam sebagai hiasan



Ukiran arabes, motif kaligrafi, geometri dan cakerawala mempunyai nilai estetika yang berfungsi untuk memberikan keselesaan dan ketenangan.

Motif yang Digunakan di dalam Seni Bina Islam



Tulisan khat

Tulisan khat merupakan bentuk seni yang paling dipandang tinggi di dalam dunia Islam. Ayat-ayat Al-Qur'an dan hadith menghiasi bahagian permukaan bangunan masjid, hiasan dalaman dan istana yang digunakan dalam bentuk kalimat puji-pujian.



Geometri



Konsep pengulangan, simetri dan penjaan berterusan dalam corak geometri memperlihatkan hubungan keharmonian dengan alam sekeliling dan mencerminkan ciptaan Allah.





Tumbuh-tumbuhan

Simbolik tumbuh-tumbuhan dalam seni Islam adalah rekaan arabes iaitu corak tumbuh-tumbuhan yang mengalir bebas secara abstrak.

KUIZ

-  1. Senaraikan tiga (3) motif yang digunakan di dalam seni bina Islam.
-  2. Berdasarkan apa yang anda lihat dan fahami, apakah persamaan motif-motif kesenian Islam ini?

KUIZ

-  1. Apakah fungsi Mashrabiyya?
-  2. Pada pendapat anda, apakah yang menjadi sumber inspirasi terhadap penghasilan motif kesenian Islam